

33

FUNTANA L'ISTINCHEDDU.

Funtana occia da tutti abbandonata;
 Com'è ingrata la gionti tu lu sai,
 Abà ch'è giunta alt'ea,
 Di te ca sinni amonta?
 Eppure, par'abbedd'anni,
 Ai un populu intreu ristoratu.
 Aggiu sempri presenti,
 Candu in bracciu di mamma, o a manu a manu,
 Idda cu la caggina,
 Ed eu cu la bruchitta,
 Viniani a visitatti d'ugna di.
 E tu sempri custanti
 Ci daggi, cuntenta,
 Lu fruttu tolu friscu cristaddinu!
 Da la mani a la sera,
 Una prucissioni di genti vinia a incuntratti,
 E tu indifferenti silvi a tutti.
 Dimmi di canti amori,
 Sei stata sigretta tistimogna?
 Candu lu tempu caldu,
 Suttu a li to lanaggi umbrosi,
 Li cori spasimanti
 Tiniani appuntamentu?
 A tanti e tanti di chissi,
 Ai cacciatu la siti di l'ea e di l'amori.
 Oggi chi stani bò,
 Par'iddi no esisti.
 Però lu sangu chi curri i li me oni,
 A l'ea toia è misciu,
 E socu supolvu di la palti chi v'ai in la me ita.
 Poara funtana!
 No socu smanticatti, anzi oddu chi sappi
 Chi ti decu amò,
 Centu dura palpitendi chistu cori
 Da l'ea toia nutritu.

.....

Sel.

A ME FIDDOLU.

Oggi, chi l'occi abbaltu ai a lu mundu
E la luci miratu a prima acchittu,
Tuttu t'è stragnu e stragnu a tuttu sei.
Piegni e no suffri? e candu ridi?
No socu s'è cuntintesa o cosa sia.
Tu sei minori,
E no v'à d'imputatti si t'è misteru la ita;
Ed eu babbu toiu mi cunfundu come te,
Chi nudda pensi.
Candu abbri la bucca in signu d'alligria,
E chi da l'occi lu pientu t'esci,
No socu cosa oi e cosa fatti.
Appena chi nascisti;
T'accapitesi stringenditi a lu pettu allegramenti.
Un minuttu dapoi,
Mi socu ricridutu e aggiu dittu!
O Natura crudeli,
Chi li dai la ita paresse da te a molti cundannatu.
Pal candu sarai mannu
Un cunsiddu ti lassu;
Chi socu babbu toiu e m'è doveri.
Cuntrariamenti a celti affelmazioni,
Sappi chi no si mori,
Palch'è un brei distaccu
Lu passaggiu da chista a l'alta ita.
Chi chindi sempri campemu,
Ci ni dani cunfelma li scritturi.
Ti precu solamenti,
Di timini e amani lu Signori,
E cridè felmamenti,
Chi l'omu nasci solu e no vi mori.

.....

Sel.

CUNFISSIONI

Alzendi la menti a DEU,
Chidda di, tanti cosi aggiu cumpresu,
E mi diciaru reu,
D'aè un babbu stimatu abbeddu offesu;
Socu malu cunfessu
Palchissu aggiu uparatu a lu riessu.

Pal culpa mea, in gruci,
Inciudatu dugna di è lu Signori.
La buntai e la luci
C'à spiratu e chi spera dugna cori,
Custanti in agunia,
Pal placà l'ira Manna è lu Missia.

Cristu Signori bonu,
Agnuneddu di paci tulmintatu,
Ti dumandu paldonu,
Chi troppu facilmenti aggiu piccatu,
Voddu chi Tu m'accansi
D'isminticà li fauli e li transi.

Socu statu malignu,
Maiagliu, curiosu e dislingatu;
L'omu più indignu,
C'à la leggi d'amori calcicatu,
Mi cunfessu e m'accusu
Chi docu punti a lu peggju ribudu.

Da Te imploru grazia.
Ai a dinì, chi l'accia no mi manca,
Voddu chi sia sazia
L'anima mea e magna i la To banca,
Palchì, Tu si t'ammenti,
Aii dittu chi accetti ca si penti.

Eu socu pintutu,
A Te solu pa sempri oddu ubbidini;
E cu lu t'ò aggiutu
No possu inviritai più faddini.
Precu chi sia ditta
D'abbracciani la gruci biniditta.

Abà lu cori meu,
Pa sempri a lu Signori s'è arresu.
Alzendi la menti a DEU,
Chidda di, tanti cosi aggiu cumpresu.
